

3

«Әрбір жетістік
сындарлы жолдан
өтіп барып келеді»

4

Үш
тұңғыш

Сыр бойы

№11-12 (20887-20888)

25 қаңтар, сенбі 2025 жыл

Қызылорда облыстық қоғамдық-саяси газет. 1929 жылдың 1 шілдесінен шығады

www.facebook.com/syrboy.kz
www.instagram.com/syrboy.kz
t.me/syrboy.kz
twitter.com/syrboy

/// ПРЕЗИДЕНТ



ҰЛТТЫҚ БАНК ТӨРАҒАСЫН ҚАБЫЛДАДЫ

Кеше Президент Қасым-Жомарт Тоқаев Ұлттық банк төрағасы Тимур Сүлейменовті қабылдады. Мемлекет басшысына Ұлттық банктің былтыр жүзеге асырған ақша-кредит саясатының қорытындысы туралы есебі мен 2025 жылға арналған монетарлық реттеу жоспары баяндалды.

Президентке Қазақстан экономикасы мен қаржы жүйесінің ахуалы, іскерлік белсенділік, инфляция факторлары, сондай-ақ бағаны тұрақтандыру және инфляция деңгейін ортамерзімді максатқа сәйкес 5 пайызға жеткізу үшін қабылданып жатқан шаралар жөнінде мәлімет берілді.

Қасым-Жомарт Тоқаевқа 2024 жылдың қорытындысы бойынша инфляция Ұлттық банктің болжаған шегінде қалыптасқаны, яғни 8,6 пайызды құрағаны айтылды. Тимур Сүлейменовтің айтуынша, сыртқы инфляциялық қысым күшейіп, ішкі инфляциялық тәуекелдер әлі де сақталып отыр.

Сонымен қатар Мемлекет басшысы Ұлттық қордың активтері, алтын-валюта резервтері және Бірыңғай жинақтаушы зейнетақы қорының жай-күйі жөнінде ақпаратты тыңдады. Атап айтқанда, 2024 жылы Ұлттық қор активтерін басқарудан түскен табыс 7,5 пайызға артып, 4,5 миллиард долларды құраған. Ал Ұлттық банктің алтын-валюта резервтері 45,8 миллиард долларға жетіп, 27,4 пайызға ұлғайған. БЖЗК-ның зейнетақы активтерін басқарудан түскен инвестициялық табыс 3,4 триллион теңгені

құрады. Ал кіріс көрсеткіші инфляциядан екі есе асып түсіп, 17,8 пайызға жетті.

Президентке валюта нарығындағы жағдай таныстырылып, теңгенің тұрақтылығын қамтамасыз ету үшін жүзеге асырылып жатқан шаралар туралы баяндалды.

Бұдан бөлек, Тимур Сүлейменов банк секторындағы жағдайдың тұрақтылығы, депозиттер базасының қалыптасуының жалғасуы, сондай-ақ қаржы тұрақтылығын қамтамасыз ету шаралары мен макроэкономикалық саясаттың тиімділігін арттыру жоспары жөнінде айтты.

Ұлттық банк төрағасы Президентке Ұлттық цифрлық қаржы инфрақұрылымын дамыту нәтижелері мен Антифрод-орталығының қызметін таныстырды.

Кездесу соңында Мемлекет басшысы инфляцияны тежеп, қаржы секторының тұрақтылығын қамтамасыз ету маңызды екеніне назар аударды. Бұл ретте Қасым-Жомарт Тоқаев Ұлттық банк пен Үкімет макроэкономикалық саясатты үйлесімді жүргізуі қажет екенін атап өтіп, Ұлттық банк қызметіне қатысты бірқатар нақты тапсырма берді.

/// МӘЖІЛІС

АРАЛДА КАЛЬЦИЙЛЕНГЕН СОДА ЗАУЫТЫН САЛУ МӘСЕЛЕСІ ТАЛҚЫЛАНДЫ

Президент Әкімшілігі Басшысының бірінші орынбасары Дархан Сатыбалдының төрағалығымен мәжіліс өтті. Күн тәртібінде Мемлекет басшысы тапсырмаларының орындалуы, атап айтқанда, Аралда кальцийленген сода зауытын салу және инженерлік инфрақұрылым жүргізу, Көкшетау қаласының инфрақұрылымын дамытуға, оның ішінде жылу, су, газ және энергиямен жабдықтау объектілеріне республикалық бюджеттен қаржы бөлу, жергілікті маңызы бар 95% автомобиль жолдарын жақсы және қанағаттанарлық жағдайға келтіру барысы қаралды.

Мәжілісте Дархан Амангелдіұлы Аралда кальцийленген сода зауытын салу және инженерлік инфрақұрылым жүргізу ел үшін маңызды әрі қажетті жоба екенін ерекше атап өтті.

Жиынға селекторлық байланыс арқылы қатысқан облыс әкімі Нұрлыбек Нәлібаев талқыланған мәселеге орай баяндама жасады.

Мемлекет басшысы Қасым-Жомарт Кемелұлы 2019 жылы Қызылорда облысына іссапары кезінде «Арал қаласында кальцийленген сода өндіретін зауыт салу» жобасына инженерлік инфрақұрылым жеткізіп, іске асыруды тапсырды. Әкімдік мемлекеттік қолдау ретінде 902 гектар жер телімін Арал ауданынан табыстады. «Бизнестің жол картасы» бағдарламасы аясында 2019-2020 жылдары 4,8 млрд теңгеге инженерлік инфрақұрылымдық жұмыстар басталған. Бүгінде 545,4 млн теңгесі республикалық бюджет есебінен игерілді. Жоба бастамашысы зауыт құрылысын бастаса, инфрақұрылым жеткізу жұмыстары жалғасын болады. Зауыттың жобасметалық құжаттамасы әзірленіп, мемлекеттік органдардан оң қорытынды алынды, – деді аймақ басшысы.

Облыс әкімі 2021 жылы «Чайна Гонконг Лонджи» қытайлық компаниясымен құрылтай шарты жасалғанын, алайда геосаяси жағдайға байланысты инвестор жобаға қатысуын тоқтатқанын атап өтті.

Сол себепті қаржыландыру мәселесі шешілмей, зауыт құрылысы 6 жыл қатарынан кейінге шегерілді. Осыған орай тапсырманың орындалу мерзімі екі рет ұзартылды. Өткен жылдың 9 қыркүйегінде жауапты мемлекеттік органдардың, мүдделі тараптардың қатысуымен өткен мәжілісте қаржыландыру схемасы мақұлданды, – деді Нұрлыбек Машбекулы.

Айта кетейік, Үкімет көрсеткен қолдаудың арқасында жобаны қаржыландыру мәселесі қаржы институттары арқылы оң шешімін тапты. «Арал Сода» серіктестігінің кальцийленген сода шығару зауытының құрылысын осы жылдың III тоқсанында бастап, 2028 жылдың соңына дейін аяқтау жоспарланды.

/// ЕЛ ЖАҢАЛЫҚТАРЫ

БАЛАБАҚШАҒА КЕЗЕК 2 ЕСЕ АЗАЙҒАН

Оқу-ағарту министрлігі кейінгі екі жылда балабақшаларға кезек қысқарғанын мәлімдеді, деп жазады Egemen.kz.

Бүгінде елімізде 1 миллионнан астам бүлдіршін балабақшаға барады. 2023 жылы – 523, 2024 жылы 627 балабақша есік ашқан. Сонымен қатар, 520 мың оқушыға арналған 422 жаңа мектеп бой көтерсе, 510 мыңнан астам бала «Жалпыға бірдей білім беру» қорынан көмек алған. 242 мың оқушы мен ата-ана психологиялық қолдау орталықтарына жүгінген.

428,7 МЛРД ТЕҢГЕ

Бас прокурор Берік Асылөв кеңейтілген алқа отырысында активтерді қайтару ісі жалғасын жатқанын атап өтті. Бұл туралы да Egemen.kz хабарлады.

2024 жылы 428,7 млрд теңге мөлшерінде ұрланған активтер қайтарылған. Қайтарылған активтің 48 млрд теңгесі есебінен 15 әлеуметтік және инвестициялық жоба іске қосылған.

«Халықаралық тәжірибені ескере отырып, сот тәртібімен түсініксіз шыққан активтерді мемлекет кірісіне айналдыру практикасы енгізілді. Қазіргі таңда нәтиже бар екенін айта кеткен жөн болады (10 миллион долларға талап қанағаттандырылды, сома өтелді). Сонымен қатар, мүлкті ерікті түрде кері қайтару жөнінде субьектілермен жұмыс жүргізіліп жатыр», – деді Бас прокурор.

КӘСІБИ ҚАБЫЛДАУШЫНЫҢ ҚЫЗМЕТІ ҚАНДАЙ?

Былдан бастап кәсіби қабылдаушы отбасы жүйесі енгізіледі, деп хабарлайды 24kz.

Енді елде ата-ана қамқорлығынан айрылған жеткіншектер бірден балалар үйіне бармай, осы отбасыларға жіберіледі. Бұл туралы Оқу-ағарту министрлігі мәлімдеген. Бүгінде елде 7 млн-ға жуық бала бар. Олар халықтың үштен бірін құрайды. Былтыр құқықтық базаны нығайту бойынша балаларға арналған үш негізгі заң қабылданды. Қараусыз қалған кішкентай азаматтарды қоғамға бейімдеу үшін тәлімгерлер институты құрылды. 330-дан астам бала қазір тәлімгерлерімен байланыс орнатқан. Сондай-ақ мектептер мен колледждерде «111» бірыңғай байланыс орталығына жедел хабарласа алатын QR-кодтар енгізілді. Қаңтар айындағы мәлімет бойынша, орталыққа 17 мыңнан аса бала жүгінген. Елде жетім және ата-ана қамқорлығынсыз қалған балалардың 82%-ы қазақстандық отбасыларда тарбиеленіп жатыр. Былтыр 3 мыңнан астам бала жаңа отбасын тапқан.

ӘЛЕУМЕТТІК ТӨЛЕМ

24kz сондай-ақ, өткен жылы елімізде жұмысынан шығып қалған 293 мыңнан астам адам әлеуметтік төлем алғаны жөнінде ақпарат ұсынды.

Төлем алғандарға бағытталған қаржы 88,3 млрд теңгені құраған. Еңбек және әлеуметтік қорғау министрлігінің мәлімдеуінше, 258 мыңнан астам адам төлемді алғаш рет алып отыр. Заңнамаға сәйкес жұмысынан босаған тұлғаға жарты жылға дейін айлығының 45%-ын төлеу қарастырылған. Әлеуметтік төлем мөлшері МӘМС жүйесіне қатысу өтілі мен соңғы екі жылдағы табысына байланысты болмақ. Ал уақытша қолдауға не болу үшін eGov.kz немесе электронды еңбек биржасына өтініш жолдау қажет.

Ақпарат көздерінен

/// ОБЛЫС ӘКІМДІГІНДЕ

ЖЫЛУ МАУСЫМЫ ШТАТТЫҚ РЕЖИМДЕ ӨТУДЕ

Президент Әкімшілігі Басшысының бірінші орынбасары Дархан Сатыбалдының төрағалығымен өткен мәжілісте Мемлекет басшысы тапсырмаларының орындалуы, оның ішінде «Таза Қазақстан» республикалық экологиялық бағдарламасының іске асуы және жылу маусымының өту барысы талқыланды.

Облыста жылу беру маусымы штаттық режимде өтуде, 1067 әлеуметтік нысан мен 888 көпқабатты тұрғын үй жылумен толықтай қамтамасыз етілген. Жылу-электр орталығында отын қоры, авариялық қор жасақталған. Қазір кәсіпорында 5,3 мың тонна мазут пен 193 тонна дизель отыны бар.

Барлық әлеуметтік нысанның отын қоры толық. Жылу беру маусымы қарсаңында белгіленген, тұрғындар мен әлеуметтік нысандарға қажетті 162 мың тонна көмірдің 138 мың тоннасы қоймаларға жеткізілген.

«Таза Қазақстан» республикалық экологиялық бағдарламасы аясында санитарлық тазалық, абаттандыру және тұрғындардың өмір сүруіне қолайлы жағдай жасау мақсатында өңірлік жоспар

бекітіліп, кешенді жұмыс жүргізілуде. Демеушілік есебінен және облыстық бюджеттен Қызылорда қаласындағы орталық алаң қайта қалпына келтірілді, 28 ескі көпқабатты тұрғын үйдің қасбеті заманауи панельмен қапталды, 20 көпқабатты тұрғын үйдің ауалары абаттандырылды. Теміржол вокзалы ғимараты мен перроны күрделі жөндеуден өтті.

Балалардың игілігі үшін 80 ойын және спорт алаңы, Жаңақорған ауданында демалыс паркі, Сырдария ауданы Нағи Илиясов ауылында «Еңбекшілер аллеясы» пайдалануға берілді. Қармақшы ауданы «Жанажол» ауылының орталық алаңы және Жалағаш ауданы «Тан» ауылының көшелері абаттандырылып, жарықтандырылды.

2-бет



ЖҰМЫСШЫ
МАМАНДЫҚТАРЫНЫҢ
ЖЫЛЫ

Қоғамда еңбеккер және нағыз маман иелерінің орны ерекше. Айнамамызда адал еңбегімен елге танылған қарапайым жандар жетерлік. Бауыржан Сарымбетов – 22 жылдық тәжірибесі бар дәнекерлеуші. Қазір «TechnologyAlemOйл» мұнай компаниясында жұмыс істейді.



«АТА-АНАМЫЗ АДАЛ ЕҢБЕККЕ БАУЛЫДЫ»

– Ата-анамыз бізді жастайымыздан еңбекке баулып өсірді, адал нан табуға үйретті. Мектеп бітірген соң, 1999-2002 жылдар аралығында қаладағы №9 колледжде түсіп, механик мамандығын бітірдім. Дәнекерлеушілікті де қоса алып шықтым. Дәнекерлеуге оқып жүргенде машықтана бастадым. Өндірістік тәжірибе

кезінде ұстаздарымнан қыр-сырын меңгердім. 2002 жылы құс фабрикасына жұмысқа қабылданып, трактор айдадым, 3-4 айдан соң дәнекерлеуші болып ауыстым. Осы мамандықпен әлі күнге дейін жұмыс істеп келемін, – дейді ол.

2-бет

АС БЕРУДЕ ШЕКТЕН АСПАУ КЕРЕК

Бейсенбіде А.Тоқмағамбетов атындағы қалалық мәдениет үйінде «Ас беру мәдениеті» тақырыбымен Қызылорда қалалық ардагерлер кеңесінің кеңейтілген мәжілісі өтті. Жиын облыстық ардагерлер кеңесі мен ҚМДБ-ның жергілікті өкілдігі бірлесіп қабылдаған үндеу төңірегінде өрбиді.

Қала әкімінің орынбасары Дархан Тұрсынбаев ас берудің түпкі мәні марқұмның рухына құрмет көрсету, дұға бағыштау және сауап жинау болғанымен аста-төк дүниелер көбейгенін сынға алды.

– Ас беру кезінде шамадан тыс шығынға, ысырапшылыққа жол беріледі. Мұндай жағдайлар бұл шараның рухани мәнін төмендетіп, материалдық жарысқа айналдырып жібереді. Қарыз алып, құдайы ас

беретіндер бар. Кейін қарыздан құтылу үшін қиналады. 2020 жылы ҚМДБ «Ас беру мәдениеті», «Зират және зиярат мәдениеті» атты ортақ анықтама кітапшасын шығарды. Мұнда ас беру тәртібі, жаңаша сипат алған дәстүрлерге жол бермеу туралы жазылған. Зират салу мен зиярат етудің де тәртібі белгіленген. Бірақ көпшілік мұны біле бермейді, – деді ол.

Жоғарыда біз айтқан үндеу

2-бет

Валюта бағамы \$ 522,42 kzt € 543,89 kzt ₸ 5,28 kzt

Ауа райы: Сенбі ☀️ -5° 🌙 -13° Жексенбі ☀️ 0° 🌙 -11°



Асқарбек ЕСЖАНОВ, облыстық білім басқармасының басшысы:

«ӘРБІР ЖЕТІСТІК СЫҢДАРЛЫ ЖОЛДАН ӨТІП БАРЫП КЕЛЕДІ»

Жалпы білім саласы – мемлекет үшін әлеуметтік һәм стратегиялық маңызы зор сала. Сондықтан бұл салаға жүктелген міндет те ауқымды. Соның айғағы, биыл аймақтың білім саласына бөлінген бюджет қаржысы 308,1 млрд теңгені құрады. Бұл өткен жылмен салыстырғанда 16,9 пайызға артық. Демек сала бойынша алдағы атқарылатын жұмыстардың да біршама арта түскенін білуге болады. Осы орайда өткен оқу жылында атқарылған жұмыстардың қорытындысы, сондай-ақ алдағы жоспарлары жөнінде облыстық білім басқармасының басшысы Асқарбек Есжановпен әңгімелескен едік.

– Мектептердің негізгі бағыттары бойынша рейтинг жасалды. Онда қандай көрсеткіштер қамтылды? Мақсатты мектеп дегеннің мәнісі неде?

– Иә, өткен жылы мектептердің негізгі бағыттары бойынша рейтинг жасалды. Онда 275 (4 бастауыш, 16 негізгі) жалпы орта білім беретін мектептер бойынша білім сапасы, ҰБТ қорытындысы, оқушылардың олимпиада, ғылыми жоба, спорттық сайыстардағы нәтижелері, балалар мен жасөспірімдер арасындағы құқықбұзушылықтар мен қылмыстардың тіркелуі, педагогтердің кәсіби байқаулар мен сайыстардағы жетістіктері сарапталды. Рейтинг қорытындысымен жоғары деңгей – 30, орта деңгей – 129, төмен деңгейде – 116 мектеп қалыптасты. Осының негізінде, әрбір мектеп дамуының нысаналы индикаторлары жасалды. Бұл ретте педагог кадрлардың кәсіби біліктілігі мен мәртебесін арттыру, мектептің материалдық-техникалық базасын нығайту және бухгалтерлік есепті жүргізу, жастардың азаматтық белсенділігін арттыру, білім беру менеджментінің сапасын жақсарту, біртұтас тәрбие бағдарламасын жүзеге асыру, білім сапасын бағалау, педагогтерді әдістемелік сүйемелдеу міндеттері бойынша көрсеткіштері жақсарту шаралары қолға алынады. Барлық көрсеткіштер бойынша әрбір білім беру ұйымының жыл көлемінде 2-5 пайыздық межеде нәтижелерін ұлғайту бағытында жүйелі жұмыстар жүргізілді. Әр мектептің ауыл бағдарламалары әзірленді. Ауылдық елді мекендерде білім сапасын, ұйымдар арасындағы байланысты арттыру мақсатында аудан орталықтары мен Байқоңыр қаласында 8 білім округі құрылды.

– Өткен жылы ҰБТ нәтижесімен республикада алғашқы орынға шықтық дедіңіз. Одан беріде қандай жетістіктер бар?

– Биылғы жетістіктеріміз де аз емес. Айталық, ауыл мектептерінің оқушыларына арналған жалпы білім беретін пәндер бойынша республикалық олимпиадада жаратылыстану-математикалық бағытында көрсеткен үздік нәтижелері үшін командалық есеппен 2024-2025 оқу жылында 71 оқушы қатысып, 39 оқушы жүлделі орыннан көрінді. 10 алтын, 14 күміс, 15 қола медаль иеленді. Олимпиада қорытындысымен Қызылорда облысы жаратылыстану-математикалық бағытта «Ең үздік олимпиадалық команда – 2024» номинациясымен I орынды, қоғамдық-гуманитарлық бағытта III орынды иеленді. Ал «Ең үздік ауыл мектебі – 2024» номинациясымен Қазалы ауданы Е. Бозғұлов атындағы №249 мектеп-лицейі, Жалағаш ауданындағы Өл Фараби атындағы №201 мектеп-лицейі марапатталды. Сондай-ақ мемлекет қабырғасында жүріп-ақ, еліміздегі таңдаулы ЖОО-лардың грантын иеленген дарынды оқушыларымыз бар.



INTERNATIONAL ZHAUTYKOV OLYMPIAD, Kazakhstan, January 13-17, 2025

94 пайыз. Облыстағы 298 мектептің 174-де инклюзивтік қолдау кабинеттері, 8 мектепте ресурстық орталықтар бар.

– Мемлекет басшысы биылғы жылы «Жұмыссыз мамандықтар жетіспейді» деп жариялады. Осы бағыттағы жоспарларыңызды білсек...

– Өңірімізде 28 колледж бар. Оның 17-сі мемлекеттік, 11-і жекеменшік. Оның ішінде 97 мамандық 158 біліктілік бойынша 20 341 студент білім алуға. 2024-2025 оқу жылында 4608 орынға мемлекеттік тапсырыс бойынша кадрлар даярлауға қабылданды. Жұмыс беруші кәсіпорындардың сұранысымен 356 орын мақсатты мемлекеттік тапсырыс бойынша кадрлар даярлау жүзеге асырылды. Ал 2025 жылы осы тапсырыс аясында 400 талапкерді қабылдау жоспарланып отыр.

Кәсіркі заман талабына сай техникалық және кәсіптік білім беру ұйымдарында кадрлар даярланатын мамандықтарға профилізациялық жұмыстары жүргізіліп, бірнеше колледждерде қатар даярланатын мамандықтар, атап айтқанда 9 колледждің 38 мамандығы бойынша 52 біліктілік лицензия қосымшалары кері қайтарылды. Ал 2025 жылы 8 колледж бойынша 21 мамандықтың 31 біліктілігі нақтыланды, лицензия қосымшалары кері қайтарылатын болады. Осы бағытта оқу орындарының халықаралық салалық білім беру стандарттары бойынша бітірушілерді сертификаттау, жұмысқа орналастыру көрсеткішін арттыру шаралары жүргізілуде.

Білімді, білікті кадрлардың сапасы қалай қалыптасатыны? Өзіңіз білесіз, бұл бітіруші түлектердің жұмысқа орналасу нәтижесіне тікелей байланысты. Міне, сондықтан колледждерге енгізілген дуальды оқыту жүйесінің негізгі мақсаты бітірушілерді кәсіпорындар мен мекемелерге тұрақты жұмысқа орналастыру. Кәсіркі таңда, облыста 21 колледжде 241 кәсіпорын, мекемелермен үш жақты келісім-шарт негізінде 3560 студент дуальды оқыту жүйесінде білім алуға. Өткен жылы колледждерде 5895 студент білім алып, оның ішінде 3916-сы мемлекеттік тапсырыспен оқуын аяқтады. Олардың 4270-сі жұмысқа орналасып, көрсеткіш 72 пайызды құрады.

Халықаралық талаптарға сәйкес шетелдік оқу орындары, ірі кәсіпорындармен екі жақты орнестік байланыс орнату, жаңа технологияларды пайдалана отырып кадрлар даярлау жүзеге асырылуда. Осы бағытта өткен жылы М.Маметова атындағы Қызылорда педагогикалық жоғары колледжі Германия мемлекетінің Лейпциг университетімен педагогика, психология саласы бойынша, Мәскеу Психология университетімен «Мектепке дейінгі тәрбие мен оқыту» мамандығы, И.Әбдікәрімов

– Асқарбек Темірбекулы, облыста орта білім беру саласы бойынша біршама жаңа басқармалар қолға алынғанын хабардармыз. Соның ішінде, Президент тапсырмасына сай «Жайлы мектептер» салына бастады. Жылдан-жылға оқушы санының көбеюіне байланысты кейбір мектептерге қосымша ғимараттар қажеттілігі туындады. Осы мәселелер қаншалықты шешімін тапты?

– Облыстағы 338 мектепте 184924 оқушы білім алуға. Нақтырақ айтсақ, 299 мемлекеттік мектепте 171 315 оқушы, ал 39 жеке мектепте 13 609 оқушы бар. Өңірдегі жүйелі жұмыстардың нәтижесі болар, қазір үш аясында оқытатын мектептер жоқ.

Өткен жылы білім беру инфрақұрылымын қолдау қоры, жергілікті бюджет және жеке инвестор есебінен жалпы құны 31,8 млрд теңгені құрайтын 17 білім беру ұйымының құрылысы жүргізілді. Атап айтқанда 7 мектеп, 5 мектепке қосымша ғимарат, 4 қосымша білім беру және 1 кәсіптік білім беру ұйымы. Оның ішінде Қызылорда қаласында «Білім беру инфрақұрылымын қолдау» қоры арқылы дарынды балаларға арналған 400 орындық физика-математика бағытындағы мектеп-интернат биыл наурыз айында іске қосылды деп күтілуде. Сонымен қатар, Қызылорда қаласындағы шығармашылық академиясы, Шиелі ауданында 200 орындық «Оқушылар үйі» және 50 орындық «Өнер мектебі», қаланың сол жағалауынан іргетасы қаланған музыкалық колледж ғимаратының құрылысы пайдалануға берілді. Бұдан бөлек, 960 орындық 6 мектеп ғимараты, Қызылорда қаласындағы «Оқушылар сарайы», Жаңақорған ауданындағы «Оқушылар үйі» мен «Өнер мектебінің» құрылысы аяқталды. Осындай жұмыстардың нәтижесінде, Арал ауданы Тоқабай ауылындағы №248, Шиеліде кенттегі №252 және Жансейіт ауылындағы №133 апарты мектептердің мәселесі шешілді.

Президент тапсырмасына сай «Жайлы мектеп» ұлттық жобасы бойынша аймақта 6900 орындық 10 мектептің құрылысы жоспарланған. Бүгінде алғашқы білім ошақтары пайдалануға берілді. Атап айтқанда, облысорталығында, Сырдария өзенінің сол жағалауындағы 900 орындық мектеп, КБИ мөлтек ауданындағы 600 орындық, Жаңақорған ауданы, «Жапарық» елді мекенінде 300 орындық, Арал қаласында 300 орындық «Жайлы мектеп» іске қосылды. Ал Жаңақорған кентіндегі «Саяжай» шағын ауданында 600 орындық мектеп жақын күндері пайдалануға беріледі. «Жайлы мектеп» жобасы бойынша жоспарда қамтылған 5 мектеп биыл іске ашады.

– Мектептер жыл сайын салынып жатыр. Дегенмен білім ошақтарының бүгінгі заман талабына сай жабықтыққа қаншалықты? Мысалы, қазір бұл салалық жұмысы интернетке тікелей тәуелді. Тіпті жасанды интеллект қызметі деңдеп ене бастады.

– Иә, дұрыс айтасыз. Бүгінде мектептің сапалы оқу-әдістемелік ресурстары, цифрлық контенттер және дамыған материалдық-техникалық база – білім беру процесін жетілдірудің маңызды аспектілерінің бірі.

Қазіргі таңда мектептерде жаратылыстану-математикалық бағыттағы пәндерді оқытатын 865 кабинет болса, өткен жылы 56 осындай жаңа пәндік кабинет сапалы алуға 496 млн 871 мың теңге қаржы бөлінді. Бүгінде 60 мектеп STEM кабинеттерімен қамтамасыз етілген.

Аймақ басшысының қолдауымен мектептер 484 интерактивті панель, 14 мектеп LED-экрандармен жабдықталды. Оның қатарында бастауыш сынып және ерекше қажеттілігі бар балалар үшін 17 интерактивті логopedтік құрылғылар орнатылды. Сондай-ақ 6 IT мектеп-лицейге жасанды интеллект элементтерін тереңірек меңгерту үшін адам тәрізді роботтар алынды.

Осы орайда айта кетейік, жасанды интеллект (ЖИ) білім

берудегі ең перспективалы зерттеу бағыттарының біріне айналды. Айталық, 2024-2025 оқу жылының басындағы дәстүрлі тамыз конференциясында «DigitalKazakhstan: заманауи білім беру» тақырыбында оқу үдерісін цифрландыруға және әлемдік тәжірибені ескере отырып, сабақ беру процесіне жасанды интеллектті енгізу ерекшеліктері айқындалды. Жасанды интеллектті қолдана отырып жасалған цифрлық өнімдердің білім беру көрмесі ұйымдастырылды.

«Білім беруді басқаруға арналған жасанды интеллект эко жүйесін құру» бағытында Қызылорда қалалық білім бөліміне қарасты №136 мектеп-лицейі, №187 акпараттықтехнологиямектеп-лицейі (IT-мектеп-лицейі), №212 мектеп-гимназия, №172, №222 орта мектептер «eData.kz» ЖШС-мен пилоттық жоба негізінде қосылып, «Gemini», «Сanva», т.б. цифрлы платформаларды пайдаланып жұмыс жасауда.



Мектептерде жасанды интеллектті қолдана мұғалімдер үшін сабақ жоспарын құрудан бастап, кез келген құжатты өңдеуге дейін жұмысын жеңілдетеді. Атап айтқанда, оқу материалдарын басқару, электрондық тесттер мен бағалаулар, әкімшілік тапсырмаларды басқару, кері байланысты басқару жүйелері, қабылдау процесіне автоматтандырылуға. Бұл орайда биыл облыс бойынша алғаш рет «Қызылорда аймақтық бірінші чемпионаты», «Робобатл», «Робобатланд» сайысы» тақырыбымен

кейінгі төрт жылда ҰБТ-ның орта балл көрсеткішімен республикада алғашқы үштікте болса, өткен жылы жиырма өңірдің ішінен бірінші орынға шықты. Енді қараныз, әрбір жетістік сындарлы жолдан өтіп барып келеді. Әрине, бұл аймақ ұстаздарының қажырлы, табанды еңбегінің нәтижесі екенін ерекше атап өткеніміз жөн.

Сонымен қатар, республика көлемінде жүзеге асырылып жатқан «943 – елімізде мақсатты мектептерді дамыту» жобасына 2024 жылы 71 мектеп, ал 2025 жылы 40 мектеп енгізілген. Осы орайда негізгі пәндер бойынша 2433 педагогтің біліктілігін арттыруы жоспарланған.

Өткен жылдың I қыркүйегінен бастап облыста «Цифрлық ұстаз» жобасы бастау алды. Жоба әлеуметтік аз қамтылған отбасыдан шыққан және үлгерімі төмен балаларды негізгі пәндер бойынша білім толықтыруға мүмкіндік беру мақсатында жүзеге асуда. Жо-

бар 686 педагог. Жаңа форматтағы біліктілік санатын алған педагогтер саны – 19 386, яғни ұстаздардың 70 пайыздан астамын құрайды. Өткен оқу жылында 30 педагог-шебер болса, биыл педагог-шеберлердің саны 44-ке жетті.

Тәрбие және қосымша білім беру мен балаларды әлеуметтік қорғау бағытындағы атқарылған жұмыстар да өз нәтижесін беріп, әрбір сайыстарда облыс командасы үздіктер қатарынан көрініп келеді. Тағы бір нәтижелі жұмысты айта кетейік, биыл білім беру ұйымдарының есебіне 7896 мүмкіндігі шектеулі бала алынған, бүгінгі күні психологиялық-педагогикалық қолдаумен қамтылған балалар үлесі 90,5 пайызды құрады. Сонымен қатар, инклюзивтік білім алуға жағдай жасаған мектепке дейінгі ұйымдардың үлесі 92 пайыз, жалпы орта білім беретін мектептердің үлесі 97 пайыз, техникалық және кәсіптік білім беру ұйымдарында



Сұхбатыңызға рақмет! Сұхбаттасқан Гаяза ӘБІЛДА, «Сыр бойы»

